


2019-imi ingerlariaqqiffiusumik ilinniakkat

2019-imi ingerlariaqqiffiusumik ilinniakkamik naammassisut 272-iupput

2019-imi ingerlariaqqiffiusumik ilinniakkami naammassisut 272-iusimapput 10 pct.-inik qaffariarsimallutik. Taakku 64 pct.-ii Kalaallit Nunaanni naammassinittuupput.


Piffissaq siusinnerusoq isigalugu ingerlariaqqiffiusumik ilinniakkamik naammassisartut amerleriarujussuarput. 2005-imut sanilliullugu 2019-imi ilinniaqqillutik naammassisut 101 pct.-inik qaffariaateqarput.

Titartagaq 1. 2005-imiit 2019-imut ingerlariaqqiffiusumik ilinniakkamik naammassinissimasut nunami ilinniarfigisamut immikkoortillugit



Ingerlariaqqiffiusumik ilinniagallit akornanni amerlanerpaat professionsbacheloritut ilinniagaqarput, ikittuinnaallu kandidatitut ilinniarnissartik qinertarlugu. Ineriartornerulli takutippaa kandidatitut naammassisartut amerlatsikkiartortut. 2019-imi kandidatitut ilinniarsimasut 33-upput, 2005-imut sanilliullugu marloriaamik amerlanerullutik. Kandidatitut amerlanerpaat nunani allani ilinniartarput.

Titartagaq 1. 2005-imiit 2019-imut ingerlariaqqiffiusumik ilinniakkamik naammassinnittartut ilinniakkap suussusaanut immikkoortillugit



Najoqqutaq: Naatsorsueqqissaartarfik - Kisitsisaataavimmiittut kisitsisit takukkit(<http://bank.stat.gl/UDNISC11D>).

Ilinniartut quliugaangata pingasut nunani allani ilinniartarput

2019-imi ilinniartut ingerlariaqqiffiusumik ilinniakkamik aallussisut 1.285-iupput. Taakkunanilu 906-it Kalaallit Nunaanni ilinniartuupput, 379-illu nunani allani ilinniartuullutik. Aallussisut amerlassusaat 2016-imitut inissisimapput. 2005-imut sanilliullugu ilinniarnermik aallussisut amerlassusaat 2019-imi 78 pct.-inik qaffasinnerupput. Kalaallit Nunaanni ingerlariaqqiffiusumik ilinniartarfiit alliartornerujussuaq nalaappaat.

Kalaallit Nunaanni kandidatitut ilinniarnissamik aallartittut ikinnerusut

2015-imi ingerlariaqqiffiusumik ilinniakkamik aallartitsisut qaffasinnerpaaffissaminiippoq, kisianni tamanna maanna appariorusaarpoq, 2019-imi 15 pct.-inik kandidatitut ilinniarnissamik aallartittut ikilisimapput. Ukiup ataatsip ingerlanerani Kalaallit Nunaanni ingerlariaqqiffiusumik ilinniakkamik aallartittut 15 pct.-inik ikilisimapput, Kalaallit Nunaata avataani aallartittut 8 pct.-inik amerlisimasut.

Ataatsimut isigalugu

Tabeli 1. 2017-imiit 2019-imut ingerlariaqqiffiusumik ilinniakkamik ilinniartut ilinniarnernup suussusaanut, naatsorsuutit inerneranut aamma nunami ilinniarfigisamut immikkoortillugit

	2017		2018		2019	
	Kalaallit Nunaanni	Nunani allani	Kalaallit Nunaanni	Nunani allani	Kalaallit Nunaanni	Nunani allani
Sivikitsumik						
Ingerlariaqqiffiusumik						
ilinniakkat						
Aallartittut	75	49	96	49	74	38
Aallussisut	106	85	122	80	126	81
Naammassisut	31	28	37	32	36	20
Professionsbachelor						
Aallartittut	106	60	177	47	132	58
Aallussisut	447	142	471	114	448	115
Naammassisut	71	40	106	28	106	23
Bachelor						
Aallartittut	59	63	78	49	87	48
Aallussisut	171	141	197	121	220	110
Naammassisut	19	24	20	23	26	28
Kandidati						
Aallartittut	27	31	19	25	20	39
Aallussisut	91	72	102	66	112	73
Naammassisut	12	25	6	28	7	26

Najoqqutaq: Naatsorsueqqissaartarfik - Kisitsisaataasivimmiittut kisitsisit takukkit(<http://bank.stat.gl/UDNISC11A>, <http://bank.stat.gl/UDNISC11FB>, <http://bank.stat.gl/UDNISC11D>).

Periaaseq

Naatsorsuutit tunngaviusut

Ilinniagaqarnersiuteqartitsivimmi (USF) allaffissornikkut naatsorsuinerit tunngavigalugit ilinniarneq pillugu kisitsisitigut paasissutissat saqqummersinneqarput. Naatsorsuutitut nalunaarsukkat taamaallaat imaqarput ilinniartunni tapiiffigineqarnissamut pisinnaatitaaffilinni ilinniartunik taamaallaat imaqarput. Naatsorsuutit Kalaallit Nunaanniittut qallunaat ilinniartuutaat (politiit aamma isertitsivinni nakkutilliisut) aamma suliffeqarfiit nammineq ilinniarnermut programmiliussaata nalunaarsuutitut ilanngunneqanngillat.

Periaaseq

Naatsorsueqqissaartarfiup naatsorsuutit atunnginnerini kisitsisit misissoqqissaarpai, nalilersorlugit aamma suliareqqillugit.

Ilinniartunni ulloq naammassiffik tunngavigalugu ilinniartunni nalunaarsuutit ukiut tamaasa ukiut kingulliit pingasut iluarsineqartarput. Siunissami ilinniarneq pillugu kisitsisitigut paasissutissat assigiiaarnerunissaat aamma ilinniartunni nalunaarsuutit kingumoorutimik iluarsineqartarnissaat eqqarsaatigalugu taamatut suleriuseqartoqarpoq.

Naatsorsuineq

Ukioq kaajallallugu ilinniarnermut kisitsisitigut naatsorsuisoqartarpoq. Kisianni ilinniarnermik aallussisut ulloq 31/12 naatsorsorneqartarput

Ilinniarneq pillugu kisitsisitigut paasissutissani ilinniagaqarnerup ingerlanera tunngaviuvoq. Ilinniagaqarnerup ingerlanera aamma inuit amerlassusaat assigiinngillat. Assersuutigalugu ilinniartoq ilinniakkamik aallartitsinnaavoq ukiumi tassani ilinniakkanilu unitsikkuniuk nutaammillu aallartitseqqilluni, taamaasilluni ilinniartoq marloriaammik aallaartittutut kisitsisinut ilanngunneqassaaq. Piffimmi tassani ilinniagaqarnerup ingerlanerani aamma ilinniartut ilinniarnermi aallussisutut naatsorsorneqarneri nalaatsornikkut pisarput.

Ilinniartuunermut kisitsisitigut paasissutissat tabelitaqarput ukuninnga imalinnik; ilinniarnep qaffasissusaa suiaassuseq aamma ukioqqortussuseq taakkunani ilinniartutik aallartittut, pimoorussisut aamma naammassisut immikkoortillugit

- Ilinniarnep ingerlanera nunami ilinniartfigisamut immikkoortinneqarput
- Kalaallit Nunaanni ilinniarnep atuarfinnut ilinniartinnullu immikkoortillugit

ISCED2011

Naatsorsueqqissaartarfimmi ilinniarnermut kisitsisitigut paasissutissiaani ilinniakkat UNESCO-mi nunani tamalaani assigiissarineri atorineqartartoq ISCED2011 malillugu suliarineqartarput.

Naatsorsueqqissaartarfik ilinniartitaanermi uuttuutitut taaguutit ilinniakkat suut ilinniartitit pineqartuni imaluunniit ISCED2011-imi immikkoortitersimasuni takuneqarsinnaalersillugit saqqummersitsisimavoq. Taaguutit www.stat.gl [im](mailto:emim@stat.gl) ilinniartitaanermi pissarsiarineqarsinnaapput.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Emil Malta
E-mail: emim@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

